

Mia identità senza paroles

L'é l'ìtol del concors endrezà dai Volontadives del lengaz del Comun general, con chela de engaissèr la jent de Fascia a palesèr sia identità a na vida moderna e gustégola

I Volontadives del lengaz del Comun general de Fascia met a jir l'ì concors "Mia identità senza paroles", con chela de engaissèr duc i sentadins de Fascia a palesèr sia idea de identità travers na foto o n curt filmat.

L'ì concors l'é out a duta la jent de Fascia, dai bec ai gregn, che vel portèr dant e moscèr sia identità, senza durèr la paroles te chesta ocajion, ma fajan cognoscer na pèrt de sia val, momenc de vita, situazions personèles e de la sozietà, ambient e natura, aspec del lurier, del turism, de l'economia o ence vèlch de astrat.

Fèr pèrt de n pòpol de mendranza defat vel dir aer daite de se vèlch da desvalif respet a l'otra persones, vèlch da rich e originèl, na vida de pissèr, de viver e de esser che pel vegnir spartida e moscèda ai etres.

Identità no entenuda demò desche lengaz, tradizion o cultura ma ence desche vida de viver de la jent da mont, desche l'ì lurier, la familia, i gropes, desche la religion, la sozietà, l'sport e amò n muie de auter.

I Volontadives del lengaz envia duc chi che é enteressé a prejentèr

curc filmac, ence realisé dai joegn con si fonins, opura retrac de momenc che moscia o i é l'ì simbol de l'identità ladina vedui ti etres o daite de se. Na vida moderna e gustégola de palesèr sie pensier apontin senza paroles.

I lurieres, retrac o filmac de no più che 2-3 menuc, originèi e personèi, cogn vegnir mané ite travers la posta eletronica o la posta ordenèra opura amò porté a man a l'Ofize per i Servijes linguistics e culturai del Comun general dant che vae fora les 12.00 di 31 de jené del 2013.

Sarà l'ì grop di Volontadives del lengaz che valutarà i lurieres rué, che vegnarà spartii te più categories aldò de l'età di partezipanc e de la sort de lurieres consegné e i vegnarà premié te l'aisciuda del 2013.

Per aer l'ì bando o maor informazions se pel se oujer a l'Ofize per i Servijes linguistics e culturai del Comun general a la mail [HYPERLINK "mailto:cultura@comungeneraldefascia.tn.it"](mailto:cultura@comungeneraldefascia.tn.it) cultura@comungeneraldefascia.tn.it opura al numer de telefon 0462 - 762158.



I Volontadives del lengaz del Comun general de Fascia.